

# Nunavunmi Taigualiakhaijut Katimajiit

## Huurli taiguaqpangniq piqqagijauvat?

Amigaittut inuit Nunavunmiuttat ajuqhautiqaqpaktut taiguarnikkullu, titirarnikkullu kititirinikkullu naahautinin. Ajuqhautigijauvakput hapkuat qiniqhianikkullu havaaghatigullu pinahurrinniriinnik. Ilaa hapkuninga ilittuqhautinin taigulimaittungnaqhingmata aanniaqtailinikkullu, aanniqtailinikkullu nanminiqalaarnikkulluunniit pijungnaqtut. Ilaa nutaqqamingnut taigulimaittungnaqhijut ikajulimaittungnaqhijau illiharutainnin nutaqqatik.

Kangiqhimattiarniq imaatuinnaunngittut taigualaarnikkullu titiralaarnikkullu. Imaatullu ilaa ikajuutaungmat ilauqattarnighakkut nunamingni, havagvingmingni maligaliuqtunikkullu inuuttiarnikkullu nunaptingni nunarjuaptingnilu. Kangiqhimattiarniq ilaa tunngaviutauhimangmat inuuhirnikkut ilihautigijaupluni.

## Kinauvita?

Ukuat Nunavunmi Taigualiakhaijut Katimajiit nunalingni tutqikhajiujuq ilaa kangiqhittivaghutiklu ikajuqpaghutiklu kangiqhinikkut hulilukaarutainnin tamainni uqauhiit atuqhugit Nunavunmi.

Tahapkuat ilaujumajut ingmingnik Katimajini Aulapkaaijujut katimaqattaqaktut tikittumajamingniklu pijumajamingniklu tutqikhajituvut. Kiinaujatigut tunijauvaktugut ukunangat Nunarjuanin Taigualiakhaijut Havagvigjuangannin aittuutighaninlu nanminiiqtunin inungniklu ilikkuuqtunin. Ikajuqtaulluqaqaktugut ukuningalluq Nunavunmi Ilihariaqpaallivianninlu Hamalatkuanninlu Iqaluktuuttiap.

## Hunauvali pinahurrilluqaqtavut?

Uvagut ukpiruhuktugut tamapta ilaa kangiqhittiaqhimajughaujugut. Ukpiruhuktugullu kangiqhittiaqhimaniit ilaa tamapta pijagharijaqqt – ilikkuuqtut, qatannuqatigiinut, nunaqatigiinut, nanminiqaqatunut kavamatkunnnullu. Havaarijaptigut, kangiqhipkaivaktugut kangiqhijutinin, ikajuqpaghugillu nunaliit taiguarnighakkut tutqikhajiiit, inirnit ajuiqhajut taiguarnikkullu ajuiqhaqattaqtut ilagiikhangnikkullu pinahurritpaghuta aallatqiinin katimajiillu tutqikhajinillu.

## Huliniaqqita?

- Ukunagut **Qatannugutiillu Nunalingnilu Taiguarnighakkut Pivalliajjutighaanni**, ilittuqhautinin, ikajuutighaninlu ajuiqhanikkullu inungnut pijumajunut havaaqarumajunulluunniit taiguarnighakkullu ilihautivalungniklu piliriarutainnin.
- Nunalingni katimaqatigiit havaqatigiplutigu parnaijarnighakkut ajuiqhaplugit, tunihinighakkullu aulapkaainighakkullu nunamingni piliriarutainnin. Ilihautigivagait hammna: **nunalingni ihariattigijaujutigut ihivriuhiniinnik, piliriarutighatigut parnaijarnighakkut, tukhiqtuutitik titirauhiannin kiinaujaniklu katitiriniit, ihivriuhinighakkullu, nunalingnilu qaujimapkaaijjutighaannin.**
- Havaarivaktavut **Taiguarnighakkut Katimavianni** ilaa amigaittunin makpiraaqatunin, qunniarutighaninlu aallallu ikajuutighavaluit atuqtaujungnaqtughat.
- Hitamaiqtuqhugit ukiuq atauhirmi **unipkaaliuqpaghuta.**
- Tuniqhaivaghuta **ilittuqhautighainnin** taiguarnighakkut Nunavunmi kavamatkunnut, inungnullu tatqaaniitunun ukunungalu unipkaaliuqpaktunun. Talvaluttauq **munaqhivaghutalu kiuvaghugillu** Kanatami kavamarjuangannullu Nunattiamilu kavamanginnut taiguarnighakkutigut pijumajaujunin maligainniklu.
- Hanavaktugut **ilihaujjutighaninlu ilihauqtaujughaninlu ikajuutainnin** ukiuqtaqtumi ajuiqhajunut ilihauqtaunullu.
- Uvagut **ajuiqhaivalliavaktugut** taiguarnighakkut Nunavunmi ukiuq tamaat **Titirauhirnikkut Akimanahuarniriinnik, Taiguarnighakkullu Fiftinik akiraqtuutainnin, aliahuutigiplugillu Nunavunmi Taiguarnighakkut Ubluganni** ukuallu **Inuktitut Uqauttin Week Ubluganni.**
- Ulapqipkaivaghutalu ukiuq tamaat uuminga taijauvaktumin **Peter Gzowski Qaitquinikkut Muqpaquiplutik Ulapqinikkut Taiguarnighakkut** mighaagut.